

# მ ა ზ ი ღ ა ღ ვ ი ნ ო

წელიწადი პირველი.

№ 10

გიორგოვისთვე 1920 წ.

№ 10

## შ ი ნ ა ა რ ს ი:

- |                                      |                    |
|--------------------------------------|--------------------|
| 1. ნეკროლოგი                         | ბ. ჩოლაყაშვილი.    |
| 2. მოწინავე                          | ი. ანდრონიკაშვილი. |
| 3. ღვინის წარმოშობა                  | მის. შალამბერიძე.  |
| 4. მოხსენება მთავრობის თავმჯდომარეს. |                    |
| 5. ცნობები                           |                    |
| 6. წერილები ადგილებიდან              |                    |

### ჟურნალის გამოცემის პირობები:

ჟურნალი ჯერჯერობით გამოვა ორ კვირაში ერთხელ, არანაკლებ 16 გვერდისა. თითო ნომრის ფასი საბჭოს მიერ განსაზღვრულია 50 მან. ამ ფასით ჟურნალის გამოწერა შეიძლება **სამი თვით**.



ჟურნალის რედაქცია იმყოფება საბჭოს ბინაზედ—თბილისი, ნინოშვილის ქუჩა № 5.



კახეთის რედაქცია



Кახетинское Кооперативное Вино-  
•СОЮЗЪ СОЮЗОВЪ  
Виноградарей Кавказа

თ ბ ი ლ ი ს ი რუსთაველის ქუჩა № 33

კახეთი, სადგური „მუკუზანი“, კახეთის რკინის გზა.

„კავშირთ-კავშირი“ დაარსებულია 1918 წელს. წესდება დამ-  
ტკიცებულია თბილისის საოლქო სასამართლოს მიერ 1919  
წლის 8 თებერვალს. „კავშირთ-კავშირში“ შედიან ველისციხის,  
გურჯაანის და კარდანახის შემსახველ გამსესებელი ამხანა-  
გობანი 4400 წევრით, რომელთაც 4200 დესეტინა ვენახი აქვთ.

„კავშირთ-კავშირის“ გაძევება, მთავარი კონტორა და საწ-  
უობი მოთავსებულია საკუთარ ბინასუდ კახეთის რკინის გზის  
სადგურ მუკუზანთან.



## საყურადღებოდ.

დამოუკიდებელ მიწებსების გამო  
დღევანდლამდინ ქუჩნაღის გამოცე-  
მა შეფერხებული იყო ღ ამის გამო  
ზოგიერთა ცნობები დაგვიანებით  
არის მოთავსებული.

რედაქცია.

## † ილია წინამძღვრიშვილი.

2 ენკენისთვის ტფილისში გარდაი-  
ცვალა მცხოვანი საზოგადო მოღვაწე, სა-  
უკეთესო მამულიშვილთაგანი და მეურ-  
ნეობისთვის თავდადებული პიროვნება ილ-  
ია ივანეს ძე წინამძღვრიშვილი. განსვენ-  
ებული 8 წლისა გადაიცვალა და მთე-  
ლი თავისი ხანგრძლივი სიცოცხლე მო-  
ანდობა უმწიკლო საზოგადო მოღვაწეო-  
ბას და ქართულ მეურნეობის აყვავებას.

ილია წინამძღვრიშვილს გატაცებით უყ-  
ვარდა სამშობლო და მისი ღრმა რწმე-  
ნით საქართველოს ტყვეობიდან დახსნა  
შეიძლებოდა მხოლოდ ჩვენი ქვეყნის ნივ-  
თიერ უზრუნველყოფით, და ერთადერთ  
საშვალებას ამ მიზნის მისაღწევად მეურ-  
ნეობის გაუმჯობესებაში ხედავდა. — გა-  
უმჯობესებული მეურნეობა ჰქმნის ხალხ-  
თა სიმდიდრეს, ეს უკანასკნელი კი სუ-  
ლის სიძლიერეს და თავისუფლებისკენ  
მისწრაფებასაო... ასე აზროვნებდა მცხო-  
ვანი ადამიანი და ამ მიზნით დაარსა მან  
თვის მამაპაპეულ მამულში წინამწღვარ-  
იანთ-კარში სამეურნეო სასწავლებელი და  
მოახერხა, რომ ქართული ენის დევნის

ღროს ამ სასწავლებელში შევირდებს ეს-  
წავლათ საგნები მშობლიო ენაზე; ეს  
ერთადერთი სკოლა იყო, სადაც ქარ-  
თული ენა თამამად ისმობდა და ახალგაზ-  
დობას საშვალება ჰქონდა საგნები მშო-  
ბლიო ენაზე შეესწავლა. ამ სამეურნეო  
სასწავლებელს, რომელსაც ფართო სა-  
ზოგადოება წინამძღვრიანთკარის სკო-  
ლის სახელით იცნობს, აღაზარდა არა  
ერთი და ორა ჩვენს სასოფლო მეურნეო-  
ბის ასპარეზზედ მოღვაწე. აქ, ამ სკოლაში,  
მეურნეობისადმი სიყვარულ ჩანერგილი  
ახალგაზრდობა მიიღწეოდა რუსეთისკენ,  
ყირიმში, რომ საგანი უფრო საფუძვლიანათ  
შეესწავლა და სამშობლოს მეტად გამოს-  
დგომოდა. დღევანდელი მთელი რიგი  
სასოფლო მეურნეობის მოღვაწეთა ამ  
სკოლის პირმშონი არიან, შექმდე სხვა  
უმადლეს სკოლებში ნასწავლნი და ცხოვ-  
რებაში გამოცდილნი. განსვენებული ილია  
წინამძღვრიშვილი ამჟამად იპით, რომ  
მისმა შექმნილმა სკოლამ ქვეყანას მისცა  
ისეთი მოღვაწენი და მუშაკნი სასოფლო  
მეურნეობაში, როგორც არიან ს. ხუნ-  
დაძე, ნ. მაქარაშვილი, კ. ნაკაშიძე, მ. მა-  
მულაშვილი და ბევრი სხ. ილია წინამ-  
ძღვრიშვილის ცხოვრება უდრიდა მწირის  
ცხოვრებას, — ყველაფერს რასაც კი შოუ-  
ლობდა თვის სათაყვანებელ სკოლას უკ-  
ლებლივ აძლევდა სააჩსებოთ და თავის-  
თვის კი შემის ფულსაც არ იმეტებდა  
— ჩემს სკოლას, მათში მოსწავლე ახალ-  
გაზრდობას რვეულები და ფანქრები დაა-  
კლდებათო, და ამ ფიქრით გატაცებული.  
ღრმით მოხუცებული ილია ნოტარიუსის  
სავარძელს არ სტოვებდა, რომ თვის პირ-  
მშო სკოლისთვის ორიოდ გროში ეშ-  
ოვნა!..

ასეთი იყო პიროვნება ილია ივანეს ძე



წინამძღვრიშვილისა ცხოვრებაში და ასეთივე აღმოჩნდა მისი ანდერძი, რომელშიაც ერთთა ერთს მთავარ აზრს გამოსთქვამდა, რომ მისი ნეშთი დასაფლავებული ყოფილიყო მის შექმნილ სკოლის ეზოს ფარგლებში, რომ მის სულს ეტრიალნა მუდამ იმ ქაბუკთა შორის, რომელნიც სასოფლო მეურნეობის ასპარეზისთვის ემზადებიან და რომელთა ნორჩ აზროვნებას მისი ძლიერი, სპეტაკი და მუდამ ქაბუკი სული წამქეზებულად მოეცლინებოდა.

ყველა ქართველს შეგვიძლიან ვიამაყოთ განსვენებულის, პიროვნებით, და ბედნიერია ხალხი, რომელსაც ილია წინამძღვრიშვილისთანა მოქირანახულე თანამემამულენი ჰყავს.

უკვდავი იქნება შენი სახელი, ძვირფასო მამულშვილო, ყველა შეგნებულ მეურნის ხსოვნაში.

### ბ. ჩოლაყაშვილი.

#### თბილისი, ნოემბერი.

ჩვენი ეკონომიური გაქირვება თანდათან გრძელდება და აუტანელი ხდება. ვერც სახელმწიფო და ერობა, ვერც ქალაქთა თვითმართველობანი და კერძო პირნი ვერ უძლებიან პროგრესიულ გაძვირებით გამოწვეულს მოთხოვნილებებს. რაიმე ფინანსიური გეგმის შედგენა და მისი განხორციელება შეუძლებელი ხდება: დღევანდელი გეგმა ხვალ ჰკარგავს მნიშვნელობას და ამიტომ ყველა დაწესებულებების და კერძო პირთა წარმოება დამყარებულია მხოლოდ მოკლე ვადით გათვალისწინებულ მომავალზე... წინ მიგვიძღვის

ყველა წარმოების გაქირვება, კრედიტის გაძვირება, მისი ვადის შემცირება, აღებმიცემობის პირობების გაძნელება, ვაქრობაში სპეკულიაციის გაბატონება, მრეწველობის დაქვეითება და სხვა და სხვა უბედურება.

ამას დაუმატეთ გარეშე პოლიტიკური პირობებით გამოწვეული მობილიზაცია, რომელსაც ზედ სდევს არაჩვეულებრივი აუარებელი ხარჯი, მრავალი მუშა ხალხის ფრონტზე გაწვევა და მათი წარმოებისაგან ჩამოშორება და სხვა ამ გვარი გარემოებანი, და ცხადთ დავინახავთ იმ სურათს, თუ რამდენად ღრმა, მიუწვდენელი და მრავალი მავნე ფესვები ჩაუყრია სამშობლო ნიადაგზედ იმ ძალებს, რომელნიც დაუყონებლივ მიგვაქროლებენ ეკონომიურ დაღუპვი აკენ.

გამოსავალი ან გარდასახვევი გზა არსად მოსჩანს. მოქალაქე ფსიხოლოგიურათ გრძნობს ამ გარემოებას და როგორც მორევში ჩათრეული აღარ ზოგავს თავის მეზობელს: შეშინებული და დამშეული ან და ტიტველი იგი ცდილობს რაც შეიძლება მეტს გამოორჩეს დღევანდელ დღეს.

ყველასათვის ცხადი და უკამათო უნდა იყოს ის, რომ ერთად ერთი გზა, რომელსაც შეუძლია გამოგვიყვანოს ამ გაქირვებიდან, ეს არის გზა მუშაობის გაძლიერებისა, წარმოების განვითარებისა, მრეწველობის აღორძინებისა, სავსებით ყველა მიწების დამუშავებისა, მათი ნაყოფიერობის გაძლიერებისა და ყველა ამ რიგ საშუალებათა.

რადგან ეს ასეა და რადგან საქართველოს ეკონომიური ძალა, მიუხედავად მისი სიმდიდრისა ტყით და მთამაღნეულობით, ჯერჯერობით დამყარებულია სასოფლო მეურნეობაზედ, ცხადი უნდა იყოს



აგრეთვე ისიც, რომ უმთავრესი ჩვენი ყურადღება და ძალები სასოფლო მეურნეობის განვითარებაზედ უნდა იყოს მიმართული. დღინო, პური, მატყლი, აბრეშუმი, თამბაქო, ყველანაირი ხილი, საქონელი და სხვა—აი ჩვენი უმთავრესი სიმდიდრე. მხოლოდ მაშინ, როდესაც მიწის მოსავალს გავაძლიერებთ იმდენად, რომ მოგვეცემა საშუალება არა მარტო დავაკმაყოფილოთ ჩვენი საკუთარი მოთხოვნილებანი, არამედ ზედმეტი ღირებულობის საქონელი შევქმნათ და გავიტანოთ საზღვარ გარეთ,—მხოლოდ მაშინ დავადგებთა ცხოვრების გაიაფების გზას.

სამწუხაროთ ჩვენი სახელმწიფოებრივი ეკონომიური პოლიტიკა სხვა მიმართულების გეზს მისდევს. საქართველოს საუკეთესო შეილები ცოდნა, ენერჯია და ყოველგვარი ძალ-ღონე მიმართულია ჩვენი ეკონომიური უძლურების მოსარჩენად სხვა და სხვა პოლიტიკების და სოციალისტური რეცეპტების გამოგონებით. მილიონები იხარჯება სხვა და სხვა დაწესებულებებზედ ცხოვრების ყველა დარგის საჩვევსტრაციოთ და სახელმძღვანელოთ და ამავე დროს თითქმის არავითარი ნაყოფიერი და სასარგებლო არ კეთდება იმ ნიადაგზედ, რომელიც საფუძვლად უდევს ჩვენს ეკონომიურ კეთილშეიფობას.

თუ არ ითქმის, რომ ჩვენი სასოფლო მეურნეობა სრულიად დავიწყებული და მიტოვებულია, ეს მაინც ცხადზედ უცხადანია, რომ იგი მოკლებულია სათანადო ყურადღებას, დახმარებას და მფარველობას.

იმ დროს, როდესაც ვაჭარს და მრეწველს ეძლევა სხვა და სხვა გვარი უფლება და დახმარება, როდესაც მას ჰყავს თავისი წარმომადგენლები სახელმწიფო ბანკ-

ში, ეკონომიურ საბჭოში და სხვა დიდ-მნიშვნელოვან სახელმწიფო დაწესებულებებში,—სოფლელი, მიწაზედ მოამუშავე, მოკლებულია ყველა ამ უფლებებს; მისი ხმა არსად ისმის, მას არ ჰყავს თავისი ვეკილი.

ეს გარემოება ჰქმნის ქალაქის მიერ სოფლის ინტერესების დავიწყებას, უკუღდებას, დაშორებას. ქალაქის ვაჭარი და სოფლელი ერთმანეთის ჯიბრით აძვირებენ თავის საქონელს, იჩენენ ერთმანეთის უნდობლობას და ჰქმნიან იმ ატმოსფერას, რომლის შედეგათ თანდათან მწვავედება უამისოთაც გამწვავებული ცხოვრება.

ამის გარდა, დადგა ის ხანა, როდესაც ცალკე პიროვნებას თითქმის დაკარგული აქვს რაიმე მნიშვნელობა,—მხოლოდ კოლექტივს, მის მოთხოვნილებას და საჭიროებას, საზოგადოთ, აქცევენ ყურადღებას და ამ გარემოებას უნდა გაეწიოს ანგარიში.

მიმდინარე ხანაში შეუძლებელია კერძო—განცალკეებული მუშაობა,—საჭიროა სასოფლო მეურნეობაშიც გაერთიანებული ძალების მოკრეფა, გაერთიანებული წარმომადგენლობა, ჯადგან მხოლოდ ამ რიგად თვითმართველობის პრინციპზედ აგებული ორგანიზაციის საშუალებით შესაძლო გახდება, ერთის მხრით, მძლავრი მრავალ გვარი თვითდახმარება და, მეორეს მხრით, სახელმწიფო დაწესებულებებში საპატიო ადგილის მოპოვება.

ამიტომ ყველა სოფლელი მეურნე დიდს კმაყოფილებით და სიხარულით უნდა მიეგებოს ქვემოთ, ამ ნომერში მოთავსებულს მედვინე—მევენახეთა ყრილობათა საბჭოს დადგენილებას და მის მიერ გადადგმულს ნაბიჯს, რომელიც სასოფლო-სამეურნეო ყველა დარგის წარმომად-



გენელთა ორგანიზაციებთან შეთანხმებით შეუდგა ცენტრალურ ორგანოს განხორციელებას—სასოფლო მეურნეობის პალატის სახით.

შემდეგ ნომრებში მკითხველი იპოვის დაწვრილებითს ცნობებს პალატის შეზღვევების და დანიშნულების შესახებ, აქ-კი ჩვენ გვინდოდა მიგვექცია ყურადღება იმ გარემოებაზედ, თუ რამდენად ეს ახალი დაწესებულება სასურველს დაუცილებელ საქროებას წარმოადგენს სამშობლო სასოფლო მეურნეობისათვის.

#### ი. ანდრონიკაშვილი

\*\*\*

## ღვინის წარმოება

თუ რა გავლენას ახდენს ჰაერი კოდაში შენახულს ღვინოზე, ამის შესახებ ვაკვრით გვქონდა ცოტა რამ მოხსენებული. აქ მას გავიმეორებთ მოსაგონებლად და ცოტა რამეს კიდევ დავუმატებთ, რომ სრული წარმოდგენა გვქონდეს ამ საკითხის შესახებ.

ხეში არსებულ სვრეტოების შემწობით ჰაერი ჩადის კოდაში და სამაგიეროდ ამავ სვრეტოებიდან გამოდის გარეთ ჰაერში ღვინოში არსებული, დუღილის დროს უმთავრესად შაქრიდან გაჩენილი ნახშენი ( $CO_2$ ). ამ მოძრაობას ხელს უწყობს მარნის სითბოს და აგრეთვე ჰაერის წნევის (დაწოლის) ცვლილება. როცა სითბო მატულობს და ჰაერის წნევა კლებულობს, ღვინოს სცილდება ნახშენი ( $CO_2$ ) და კოდიდან გარეთ გამოდის; ხოლო როცა სითბო მარანში კლებულობს და ჰაერის წნევა მატულობს, მაშინ

ჟანგბადი (ჰაერში არსებული) შედის კოდაში და იხსნება ღვინოში. ამას გარდა ჰაერის ჟანგბადს შემთხვევა ექლევა ღვინოს გაეროს გადაღების დროს. და უმთავრესად სწორედ ამ დროს ერთვის ჰაერი ღვინოს, თორემ მხოლოდ სვრეტოების შემწობით მოქმედების ამარად რომ დაჩრეს ღვინო, მას ნამეტანი დიდი დრო დასჭირდებოდა დასაწიფებლად. მაშასადამე ღვინის გადაღებას მხოლოდ ის კი არა აქვს მიზნად, რომ მას ნალექი მოსცილდეს, არამედ ისიც რომ მასზედ ჰაერმა იმოქმედოს და აგრეთვე ზედმეტად ღვინოში არსებულ ნახშენი ( $CO_2$ ) განშორდეს. ამით რასაკვირველია ღვინის გემო და თვისება იცვლება. მოკლე დროს განმავლობაში ან, თუ ღვინო უკვე ცოტათი ხანშია შესული, რავდენიმე დღის შემდეგ გადაღებული ღვინო იმღვრევა და ჟანგბადის შემოქმედების გამო ღვინის ზოგიერთა შემადგენელი ნაწილები უხსნელი ხდება და იწყებს დაღეჭვას.

სანამ სიმღვრივე არ დაიღეჭავს და ღვინო არ დაიწმინდება, იგი ცხადია სასმელად არ გამოადგება.

პირველ გადაღების დროს საჭიროა რაც შეიძლება მეტი ჰაერი გაერიოს ღვინოს, რადგან ამ დროს ხშირად თვით დუღილიც კი არ არის ხოლმე დამთავრებული, შემდეგში კი თანდათან სიფრთხილით უნდა გადაღება, რადგანაც მოძველებულს ღვინოებს ზედმეტმა ჰაერის ჟანგბადმა შეიძლება აწყინოს კიდევ. ამის მიხედვით ღვინოს ხან მალლიდან ასხამენ ისეთნაირად, რომ წინ წკლებად დაიფრქვეს და იქნებ აქაფდეს კიდევ, ხან კი მიღების ტუმბოების შემწობით, აგრეთვე შეჯგუფულ ნახშენით ( $CO_2$ ) გადიღებენ ერთ კოდიდან მეორეში. განსაკუთრებით ძლიერად მოქმედობს ღვინოზე ჰაერი და უცვლის მას გემოს



მაღალ თბიდანდზე (ტემპერატურაზე), სიცხეში. ამ დროს ეთვისება მას ერთგვარი დაქანგვის გემო, რომელსაც ჰაერის გემოს ეძახიან. ხანდახან ამისთანა ღვინოებს ერთგვარი პურის გემოც ეძლევა, განსაკუთრებით სამხრეთ ქვეყნების ღვინოებს. რადგანაც ზოგს მოსწონს ღვინოში ასეთი გემო განგებაცა სცდილობენ მის გაჩენას, რისთვისაც ნაკლებ კოდებს მზეში გამოაგორებენ ან მზისაგან გახურებულ თუნუქის სახურავებიან სხვენებში ათავსებენ ხანგრძლივად.

თუ ღვინის რომელ შემადგენელ ნაწილებზე მოქმედობს ჰაერის ჟანგბადი, ეს საკითხი ჯერ სავსებით არ არის გამოკვლეული, მაგრამ ეს კი ცხადია, რომ მისი გავლენით იცვლება ღვინოში არსებული ცილობი ნივთიერებანი და ეგრედ წოდებული ქლოროფილი, მცენარეებისთვის მწვანე ფერის მიმცემი სხეული. ამ უკანასკნელ ნივთიერების, ქლოროფილის ცვლილებაზე დამყარებული ის ხშირად მშვენიერი ოქროს ფერი, რომელიც ფეთრს ღვინოებს საამურ შესახედავად ხდის და რომელიც ასეთს ფასსა სდებს რეინის ღვინოებს.

განსაკუთრებით მუქი ფერი ეძლევა ღვინოს და ჰაერის მოქმედებით ლეკი ჩნდება, როდესაც დამპალი და გაფუჭებული მარცვლები ბევრია მტევანზე. ასეთ მოვლენასთანა გვაქვს ჩვენ საქმე როგორც თეთრს აგრეთვე წითელ ღვინოებში, რის გამოც ნალექის დაწმენდის შემდეგ ღვინოები უფრო ღია ფერისანი ხდებიან. თუ ყურძენი დაკრეფის უმაღვე ისე დაიქცილია და დაიწურა, რომ ჰაერს ნაკლები დრო და გარემოება მიეცა მასზე მოქმედებისათვის, ტკბილი უქაქოდ დადულდა და ახალ

ღვინის გადაღების დროს ჰაერი ნაკლებად გაერია, მაშინ ღვინო მომწვანო ფერისა დგება, როგორც ამას ჩვენ სახელმწიფო მამულების ღვინოებიდანა ვხედავთ, რომლებსაც ევროპიულ წესით აყენებენ. ამისი მიზეზი, როგორცა ვსთქვით, ის არის, რომ ჰაერი არ უდგება და ვერა ჟანგავს ღვინოს იმ შემადგენელ ნაწილებს, რომლებიც ფერს ყვითლად და უფრო მუქადაც (თეთრს ღვინოებში) იცვლიან ხოლმე; და რადგან ასეთი ღვინოები უქაქოდაც დგებიან, მათ იმისი შემთხვევაც არა აქვთ, რომ ჩენჩოს და კლერტს გამოაცალონ და გახსნან მათში არსებული მფერავი ნივთიერებანი. ამ ფერის შეცვლის (გამუქების) საწინააღმდეგო საშუალებად ითვლება გოგირდის ჩაბოლება იმ ტურქელში, რომელშიაც ღვინის გადაღებას აპირებენ; განსაკუთრებით იმისთანისას, რომელსაც ეს სენი უკვე შეჰპარვია.

**მაღალ თბიდანდის (ტემპერატურის) გავლენა ღვინოზე.** ხანდახან ღვინოს შეეპარება ხოლმე ზოგიერთა ისეთი არსებანი (როგორც მაგ: ძმრის მცია, ბრკე და სხვ.), რომლებსაც გაპრავლებაც ღვინოს დიდ ზიანს უქადის. ისიც შესაძლებელია რომ ღვინო სავსებით საღი იყოს, მაშასადამე მასში მხოლოდ სასურველ ღვინის დედის მეტი სხვა არაფერი ერიოს, მაგრამ პატრონს ამ ღვინის ჩქარი დაწმენდა, მისი ზოგიერთა მეტ ცილობ ნივთიერების დაღეჭვა და სწორედ ისე შენახვა სურდეს, როგორც ის ამ დროს არის, მაგალითად ტკბილი დარჩეს. ამისთანა შემთხვევაში ღვინოს გაათბობენ ხოლმე რავდენიმე წუთის განმავლობაში 70-80°C-მდე, ამ სითბოზე ღვინოში არსებული



თითქმის ყველა გვარი დაბალი არსებანი (მცირეები) იხოცებინან.

რადგან ამ გვარი გამოკვლევა პირველად საფრანგეთის გამოჩენილმა მეცნიერმა პასტერმა მოახდინა, ამიტომ ამ საშუალებას პასტერიზაციას ეძახიან. პასტერიზაცია არ უნდა მოხდეს თავხედით ქვაბებში, თორემ მას ამ შემთხვევაში გემო უფუჭდება ჰაერის მოქმედების გამო. ამისთვის განსაკუთრებული მანქანები არსებობს, რომლებს შემწვობითაც ეს უსიამოვნო მოვლენა თავიდან აცილებულია. პასტერიზაცია შეიძლება მოხდეს, რასაკვირველია, აგრეთვე პირდაპირ ბოთლებშიაც. როგორც დაკვირვებანი გვიჩვენებენ, ეს საშუალება სრულე ბით არას ავნებს ახალ ღვინებს; ხოლო რაც ძველ ღვინოებს შეეხება, მისთვის კი სასურველად არ მიაჩნიათ. ამგვარად ჩვეულებრივ პასტერიზაციაში ისეთი საშუალება გვაქვს, რომლითაც შეგვიძლია ღვინო დავითაროთ ავადმყოფობისაგან, გადაბრუნებისაგან ან ჩუმ დუღილის გაგრძელებისაგან, მაგრამ ყველაფერი ეს შესაძლებელია მხოლოდ იმ შემთხვევაში, თუ მას საიდანმე ხელ ახლად არ შეეპარა აღნიშნულ მოვლენების მიზეზები.

(გაგრძელება იქნება)

**მის. შალაბერიძე**

○○○○○

## მოსენაგა მოაპროზის თავ- მჯდომარის.

(კახელ შევენახეთა კოოპერატიული-საზოგადოება „კახეთი“ ს გამგეობისა).

ჩვენი მეღვინეობა საშინელ კრიზისს განიცდის. პოლიტიკური პირობების შეცვლის გამო მას დაეკარგა ის მცირე ბაზარიც-კი, რომელიც ჰქონდა, როდესაც საქართველო შეადგენდა რუსეთის ნაწილს. საქართველოში მზადდებოდა შეიღ მილიონამდე ვედრო ღვინო, რომლის  $\frac{3}{4}$  ის-მოდა ადგილობრივ, გარეთ-კი გაჰქონდათ ერთი მეოთხედი. საუბედუროთ ფართო მწარმოებელთა შორის აქამდისინ გამეფებულია ძველი მამა პაპური წესი ღვინის დაყენებისა ქვევრებში, ჭაჭაზედ, რის გამოც მზადდება მეტათ-ნაკლებად გამძლე და ევროპიელთა გემოვნებისთვის მიუღებელ გემოვნების ღვინო. ყოფილ რუსეთში საქართველოს მეღვინეობას მფარველობა ჰქონდა იმ სახით, რომ საზღვარგარეთიდან შემოტანილ ღვინოზედ უდიდესი ბაჟი იყო დადებული, ცხრა მანეთი ვედროზედ, რორესაც ადგილობრივი ღვინოები ფასობდენ 1 მ. 20 კაპ.-დან სამ-მანეთამდე და უცხოეთიდან შემოტანილ ღვინოს ვერ შეეძლო კონკურენცია გაეწია ჩვენ ღვინოებისათვის იმ დიდ ბაზარზედ, რომელსაც წარმოადგენდა მალიანი რუსეთი.

ახლა კი ჩვენი მეღვინეობა უკიდურეს პირობებშია ჩაყენებული: ჩვენ ღვინოს რუსეთში გასავალი აღარ აქვს და მთელი მისი რაოდენობა, რომ არ დაეცეს წარ-



მოება, უნდა გასაღდეს საქართველოს რესპუბლიკის ფარგლებშივე; მაგრამ აქაც მელვინეობა განიცდის კონკურენციას განჯიდან და ერევნიდან შემოტანილ ღვინოს მხრივ, რომლის ღირსება შედარებით ქართლურ-კახურ ღვინოსთან მეტათ დაბალია და მცირე ფასებშიაც იყიდება. მართალია, არსებობს შემოტანილ ღვინოზე მთავრობის მიერ თადებული ბაჟი, მაგრამ იგი იმდენათ მცირედია (ორმოცი მანეთი ვედროზე) შედარებით არსებულ ფასებთან, რომ არაფერ გავლენას არ ახდენს ჩვენი ღვინოს იმათთან თანასწორ პირობებში გასაღდებაზე.

შესაძლებელი იყო ბაზარი მოგვენახა ევროპიულ ქვეყნებში, მაგრამ ჩვენებურ წესით დაყენებულ ღვინოს ევროპის ბაზარზედ სრულებით გასავალი არა აქვს. ჩვენ ამაში დავრწმუნდით ნიმუშების გაგზავნის შემდეგ ჩვენი მისიების საშვალეებით ლონდონში, სტამბოლში, იტალიაში და გერმანიაში, საიდანაც მოგვივიდა პასუხი, რომ ზოგიერთ სახელმწიფოებში შეიძლება გასაღდეს ჩვენი ღვინო, მხოლოდ როდესაც იგი დაყენებული იქნება ევროპიული წესით.

ჩვენ მელვინეობის ეხლანდელ მდგომარეობას რომ სახელმწიფოებრივ მეურნეობის თვალსაზრისით შევხედოთ, საზარალო დარგათ უნდა ჩაითვალოს. იმ დროს, როდესაც სხვა ქვეყნებში ასეთი ინტენსიური წარმოება, როგორც მელვინეობაზე ხალხის კეთილდღეობის მძლავრ წყაროს, შეარგენს. მოგეხსენებათ, რომ მელვინეობას ესაჭიროება მთელი რიგი წამლეულობა: შაბი-ამანი, გოგირდი, პარიზის მწვანე და იარაღები, რომლებსაც ჩვენი რესპუბლიკა საზღვარ-გარეთ იძენს და ყველა ამის ხარჯი, ეხლანდელ

ფასებზე სამას მილიონამდე, იძულებული ვართ დაეფაროთ მეურნეობის სხვა დარგების შემოსავლიდან; და იმის მაგივრათ, რომ მელვინეობამ უფრო გააძლიეროს ჩვენი სყოღვა-შემდენის უნარი ევროპის ბაზარზე, იგი საზარალო ხდება და სცემს ჩვენს ვალიუტას, რადგანაც მთელი რაოდენობა ღვინოსა იმის ადგილობრივ. საშვალეებზე რომ მოგვეცეს და რუსეთი გადაიქცეს ჩვენი მელვინეობის ბაზრათ, მაშინაც ჩვენი მელვინეობა ცუდ პირობებში იქნება ჩამდგარი; რადგან ევროპის ღვინო და ჩვენი ღვინო ერთ პირობებში იქნებიან ჩაყენებულნი და ჩვენი მელვინეობა მფარველობას მოკლებული, კონკურენციას ვერ გაუწევს ევროპის ღვინოს.

ამ გარემოებას არ შეიძლებოდა არ მიქცეოდა თვით მელვინეთა ყურადღება, რომლებიც არსებულ პირობების ძალით მეტის-მეტად უკიდურეს მდგომარეობაში არიან ჩავარდნილნი, და მათ საფიქრებლად შეიქნა, გამოენახათ საშვალეები, რათა დაეხსნათ კრიზისს თავი და შევიწინარჩუნოთ ეს ძვირფასი დარგი მეურნეობისა.

კახელ-მევენახეთა კოოპერატიული საზოგადოება „კახეთი“ სწევრთა საგანგებო ყრილობამ გაითვალისწინა რა ყველა ეს, დაადგინა ამ შემოდგომაზედვე დაიწყოს ნაწილობრივ მაინც ევროპიულ წესით ღვინის დამზადება და ბოლოს სრულიად გადავიდეს ამ წესით დამზადებაზედ. საზოგადოება დაწმუნებულია, რომ ამ საშვალეებით შესაძლო გახდება შევიწარმოთ ჩვენი მევენახეობა, გავაუმჯობესოთ ღვინის წარმოება და მელვინეობას მივცეთ იმისთანა მიპართულება, რომ იგი არამც-თუ არ წარმოადგენდეს სახელმწიფო მეურნეობისათვის საზარალო დარგს, არამედ შეადგენდეს ერთ უმთავრეს შემო-



სავლის წყაროს. საზოგადოებას განზრახვა აქვს, ამ რიგად დამზადებული საეკონომიკო საქონელი, გადასცეს მომარაგების სამინისტროს განკარგულებაში, რომელიც განაგებს საზღვარგარეთ მეურნეობისთვის საჭირო საქონელის შექმნას.

საზოგადოება დაწმუნებულია, რომ ამგვარი რეფორმა დიდხანია უნდა მომხდარიყო ჩვენ მეღვინეობაში. ჩვენს მეღვინეობას დიდხანია უნდა მოეპოვებინა შესაფერი ადგილი უცხო ქვეყნების ბაზარზე. და, დასასრულ, ამ გვარად წარმოების გარდაქმნას აქვს უდიდესი მნიშვნელობა ჩვენი რესპუბლიკის ეკონომიკაში და მთავრობის ყურადღებასაც დაიმსახურებს.

განზრახულ მიზნის განსახორციელებლად კოოპერატიულ საზოგადოება „კახეთ“-ს უკვე აქვს მიღებული შესაფერისი ზომები: შარშან შეიძინა თბილისში სარდაფი, რომლის ღირებულებაც შეადგენს 30,000,000 მანეთს და რომელშიაც თავსდება ასი ათასი ვედრო ღვინოსი აფელ კარდანახში შეიძინა დესტრინა ნახევარი მიწა, სადაც განზრახვა აქვს გააკეთოს მომავალში სარდაფი და ჯერჯერობით კი აპირებს ააშენოს ღვინის საყენი და მასალების და ინვენტარის საწყობები, გაჰყავს რკინის გზის ლიანდაგის შტო; თელავში აქვს შექმნილი საწყობები ღვინისა და მასალისა, და ამგვარივე საწყობები და საწურავები ჰსურს გააკეთოს მომავალში კახეთის სხვა და სხვა რაიონებშიც. საზოგადოება „კახეთ“-ს სწამს, რომ ყველა ამისი განხორციელება შეიძლება მხოლოდ მეღვინე-მწარმოებელთა შეკავშირებით, როგორც ეს მოხდა ევროპის სოფლის-მეურნეობის

განვითარებაში, და ამისთვის აქვს მიღებული ზომები სპეციალისტთა-ინსტრუქტორთა დახმარებით გაამრავლოს წევრთა რიცხვი, რომლებიც შესძლებენ დაამზადონ საუკეთესო მასალა ევროპულ ღვინის დასაყენებლად. ყველა ამ განზრახვათა განსახორციელებლად საჭიროა დიდი თანხა, რომლის გაღებაც საზოგადოებას არ შეუძლიან თავისი მიმდინარე ოპერაციებიდან.

რადგანაც საზოგადოების მიერ განზრახულ გეგმის გახორციელებას აქვს უღრესი სახელმწიფოებრივი მნიშვნელობა, საზოგადოება „კახეთი“ სთხოვს მთავრობის თავმჯდომარეს აღძრას მთავრობის წინაშე შუამდგომლობა მოგვეცეს ას ოცი მილიონი მანეთი ჭანგრძლივი სამპროცენტური სესხი ხუთი წლის ვადით.

სესხის უზრუნველ-საყოფად საზოგადოება გადასცემს მთავრობის განკარგულებაში მთელ დამზადებულ ევროპულ წესით ღვინოს და დაუფირავებს იმ ოცი ათას ვედრო (20.000) ღვინის ნაშთს, რომელიც აქვს მას ა. წ. 1 ნოემბრისათვის.



## ც ნ ო ზ ე ზ ი.

— მეღვინე-მევენახეთა ყრილობათა საბჭოს და მეცხვარე-მესაქონლეთა ყრილობათა საბჭოს თავიანთობით შესდგა საორგანიზაციო კომიტეტი საქართველოს სასოფლო მეურნეობის პალატის დასაარსებლად, რომლის წესდებაც უკვე შემუშავებულია და ამ დღეებში წარედგინება მთავრობას დასამტკიცებლად.



— სახელმწიფო უნივერსიტეტის აგრო-  
ნომიულ ფაკულტეტზედ გადაწყვეტილია  
მოეწყოს მეღვინეობის და მევენახეობის  
კათედრები. ამ მიზნით მიწვეულნი არიან  
მეღვინეობის კათედრაზედ ღვინის ქიმიის  
ლექციების საკითხავად დამსახურ. პროფეს.  
პ. გ. მელიქიშვილი, მეღვინეობის და  
მესარდაფეობის საკითხავად პრივ. დოცენ-  
ტი დონის პოლიტექნიკური ინსტიტუ-  
ტისა ფილატოვი და მევენახეობის კათე-  
დრაზედ ს. მ. ჩოლაყაშვილი, მეღვინეო-  
ბის და მევენახეობის კურსი წაეკითხებათ  
მე-IV კურსის სტუდენტებს.

— მიწათ მოქმედების სამინისტრომ  
მიიღო საფრანგეთიდან 12,000 ფუთი  
გოგირდი „ბულა“ უმაღლესი ხარისხისა.  
გოგირდი განზრახულია გადაეცეს საზო-  
გადო დაწესებულებათ მევენახეთა შორის  
დასარიგებლათ; რადგან საზღვარ გა-  
რეთის ვალიუტამ მეტათ აიწია, გა-  
დაწყვეტილია იმ დროს გადაეცეს ეს  
გოგირდი საზოგადო დაწესებულებათ,  
როცა ვალიუტის ღირებულობა საგრძნო-  
ბლათ დაიწევს, რომ მევენახეთ ძვირი არ  
დაუჯდეთ ამ მასალის შეძენა. გოგირდი  
ნაყილია 25 ფრანკათ ფუთი.

— ქიათურის შავი ქვის მრეწველ სა-  
ქციო საზოგადოებისაგან მიწათ მოქმე-  
დების სამინისტრომ შეიძინა 33,000 ფუ-  
თი ფხვნილი შაბიამანი უმაღლესი ხარ-  
ისხისა, რომელიც ინგლისიდანაა შემო-  
ტანილი. შაბიამანი გადაეცა გასანაწილე-  
ბლად საზოგადო დაწესებულებათ და მო-  
სალოდნელია, რომ ყველა ხარჯების გა-  
მოკლებით, მევენახეს ფუთი ამ შაბიამნი-  
სა 900 მანეთზედ ძვირათ არ დაუჯდება.

— მიღებული ცნობების მიხედვით, ქარ-  
თლში წრეულს ძალიან გაფუჭდა ვენახე-  
ბის მოსავალი სოკოს ავადმყოფობათა  
გამო. მოსალოდნელი არ არის ერთი

მეოცედი ჩვეულებრივი მოსავლისა. ასე-  
თი მარცხი აიხსნება მეტათ ნოტიო ამინ-  
დებით და საწამლავ მასალების სიცოტა-  
ვით და სიძვირით.

— რთვლები წრეულ საქართველოს  
ყველა კუთხეში მეტათ მოიგვიანებენ ცო-  
ვი და ნოტიო ამინდის გამო; მოსავლის  
ხარისხიც ამ მიზეზების გამო შუათა-  
ნაზედ ნაკლებია მოსალოდნელი.

— კახელ მევენახეთა „კავშირთ-კავ-  
შირის“ ინიციატივით, საქართველოს კო-  
ოპერატიულ ბანკში მიწვეული იყო თათ-  
ბირი მთავრობის და საზოგადო დაწესე-  
ბულებათა წარმომადგენელების თანდას-  
წრებით, რომელზედაც მოისმინეს საბ-  
ჭოს წევრის გ. ალ. წინამძღვრიშვილის  
მოხსენება, მევენახეთა საქიროებათათვის  
სახელმწიფო ბანკიდან კრედიტის გაფარ-  
თების საქიროების შესახებ. თათბირმა  
დაადასტურა საქიროება კრედიტის გა-  
ფართოებისა და დაავალა აგრონომ დ. პ.  
გედევანიშვილს და ს. მ. ჩოლაყაშვილს  
სათანადო მოხსენება დაუმზადონ საბჭოს  
სახელმწიფო ბანკისადმი თხოვნის აღსა-  
ძვრელად.

— საბჭომ შუამდგომლობა აღძრა სა-  
ხელმწიფო ბანკის მიმართ, რათა მან  
დაგირავებული ღვინო დაუზღვევლათ მიი-  
ღოს, რადგან ეს ოპერაცია აფერხებს სა-  
ქმეს, აძვირებს კრედიტს და სავრთოთ  
ცეცხლისგან ღვინის დაზღვევა მიზან-  
შეუწონელია.

## წერილები აღილავიდან.

მარიამობისთვის.

გურჯაანის მევენახეობა და მეოვინეობის  
რაიონში შედის რვა თემი (საქობო, ვაჭ-  
ირი, ანაგა, კარდენახი, ბაკურცხე, გურ-  
ჯაანი, ახაშენი, და ველის ციხე), სად-



აც არის დანიშნული ერთი ინსტრუქტორი სპეციალისტი სამაზრო ერობის გან და ერთიც კ. აბაშიძე ეხლა იქნა დანიშნული მევენახეთა კავშირისაგან. რაიონი როგორც მოგვხსენებთ დიდია და ინსტრუქტორი ვერა სწვდება მთელს რაიონს. ინსტრუქტორი მოკლებულია ერობისაგან ყოველგვარ მიმოსვლის საშუალებას, ექვსი თვის განმავლობაში ცხენიც კი ვერ უშოვებს მას. მუშაობა კი დიდია. ამასწინეთ გადავიარე ს. ჩუმლაყის ამერიკულ ვაზის სანერგეები, სადაც ერთმა მუშამ გვითხრა ვია მამიაშვილის ვენახში ვაზი სულ გადახმო. მე და ჩუმლაყის სანერგის გამგე მაშინვე გავემგზავრეთ ვენახისკენ. მართლაც ვაზი სულ გაყვითლებულიყო. ამოვიღეთ ხუთი ძირი სხვადასხვა ალაგას და გავშინჯეთ გამადიდებელი შუშით, რის შედეგიც იყო ფილოქსერის აღმოჩენა. ვენახი შეადგენს 1 დესეტინას და  $\frac{1}{4}$  გამხმარია. შემდეგ ფილოქსერა აღმოვაჩინე ს. გურჯაანში ნასყიდა ვოგოლაშვილის ვენახში, რომელმაც გადმომცა, რომ შარშან გამიხმა  $\frac{3}{4}$  დესეტინისა და პური დავთესეო. იმავე სოფელში აღმოჩნდა ფილოქსერა ვანო ელიზბარიშვილის და ვია კუბრიშვილის ვენახში. მკათათვეს ჩემთან მოვიდა შაქრო ელიზბარაშვილი და მთხოვა წიგნოლოდი ვენახის გასაშინჯათ. ვენახს აშკარათ ეტყობოდა ფილოქსერის ნიშნები.

ამოვიღე სამი ძირი ვაზი სხვა და სხვა ადგილას და აქაც აღმოჩნდა ფილოქსერა, რომელიც ვაჩვენე დამსწრეთ გამადიდებელი შუშით. ერთი სიტყვით ფილოქსერა მოდებულია მთელ რაიონში და, თუ დროზე არ იქნა ზომები მიღებული, განადგურება მოვლის მთელ კახეთის მევენახეობას. ერთათ ერთი სანერგე არის მთელ რაიონ-

ში ჩუმლაყისა, სადაც სხვა და სხვა მიზეზების გამო მარტო ორმოცი ათასი ნამყენი გაკეთდა წელს. მოთხოვნილება დიდია ნაპყენისა, რადგანაც ყველა მცხოვრები მიხვდა, რომ ერთად ერთი საშუალება არის ამერიკული ვაზზედ ჩვენი ვაზის დამყნობა. ყურძნის მავნებელ ქიასთან ბრძოლა სწარმოებს კარგათ, კარდანახში იმყოფება სპეციალისტი ვინოკუროვი და გურჯაანში ერობის ინსტრუქტორი. მხოლოდ ამ ერთი კვირის წინათ იქნა მომზადებული და გაგზავნილი ხუთი სტუდენტი დანარჩენს თემებში. ე. ი. თითო თემს ყავს ინსტრუქტორი ყურძნის მავნებელ ქიასთან საბრძოლველად. ყურძნის მოსავალს ჯერჯერობით ძალიან კარგი პირი უჩანს და ქიაც იმნაირად არ არის წრეულს მოდებული როგორც მოველოდით.

გურჯაანის რაიონის მევენახეობისა და მეღვინეობის ინსტრუქტორი

## ე. ნაჭყებია.

**ახალგაორის რაიონი** (დუშეთის მაზრა). ჩვენი რაიონი ძალიან არის დაქვეითებული მევენახეობის მხრივ. ჯერ ისედაც ამ რაიონში ნაკლებათ არის გაშენებული ვაზი და, თუ ყოფილა, ისიც ძველი მამაპაპის დროისა, ახალი კი არაფერი გაკეთებულა. ამ ძველ ვაზსაც გაჩენილი აქვს სხვადასხვა ავადმყოფობა. უფრო მეტ წილად ფილოქსერა, რომელიც სამუდამოთ სობს ადგილობრივს მევენახეობას. მდგომარეობა წლებანდელი ასეთია: ზამთარი იყო დიდი, თოვლიანი, რის გამოც ხალხმა ნაკლებათ დაიშუშა ვენახები; გასაფხულიც ნოტიო დადგა, წვი-



მებნი, რამაც თითქმის ნახევარ ივნისამდე, გასტანა. შემდგომ დაიწყო მშრალი ღვებები. გაჩნდა ვენახებში ობი და მოუწამლავი ვენახების მოსავალი პოლათმოსპო. საჭიროა დიდი ყურადღება მიექცეს ამ დაქვეითებულს რაიონს, რათა ცოტა ოდნავ მაინც ფეხზედ დადგეს იგი მეურნეობის მხრივ.

ოპისის საერობო მამულის გამგე

### ა. ქვლივიშვილი.

**წინამძღვრთან კარი.** მევენახეობის მდგომარეობა ჩვენს საგურამოს მხარეში (ღუშეთის მაზრა) ძალიან უნუგეშოა და თავისუფლად შეგვიძლიან ვსთქვათ, რომ დაღუპვის კარზედ არის მიმდგარი, — ერთი სიტყვით, ჯერ უნდა შევქმნათ ახალი ვენახები და მაშინ მოვაწყოთ საჭირო ცნობების მოწოდება. ეხლა აქ ვენახები აღარ არის, გარდა ჩვენი სკოლისა, სადაც ვენახი ნამყენია და კარგადაც გამოიყურება. ვენახების მოსახობის მიზეზი უმთავრესად ფილოქსერა იყო და მისი ერთადერთი წამალი კი ეს ნამყენი ვაზია, რომელიც ჩვენ ი, სამწუხაროთ, სრულიათ არ იშოვნება, თუმცა ხალხში არის სურვილი მისი გამრავლებისა.

წლებადელი წელიწადი ვენახებისთვის ძალიან ცუდი გამოდგა. ვაზიანები თუ არის სადმე, ისიც დახრუკული და გაფუჭებული გამოიყურება ობისა და ნაცრისგან. საღ მტევანს იშვიათად ნახავთ. ვენახებში ობის გამრავლებას ხელს უწყობდა ნესტი, გადაქარბებული წვიმები. ნიაღვრებმა დააზიანა და მთლად წაიღო სოფელ ჯილაურაში 15 დღიურამდე ბად ვენახი, ვაზი წალეკა და დამარხა. სეტყვა ჩვენკენ

არ ყოფილა. ამნაირათ წელს ღვინის მოსავალს არ მოველით სრულიად ჩვენში.

წინამძღვრთან კარის სკოლის გამგე

### გორაშაშვილი.

**წინანდალი** (თელავის მაზრა). ვენახებს ნოტიო წლის გამო, მიუხედავად ორჯელ და სამჯერ წამლობისა, მიღლიუ მოედო და კურძენი სცვივა.

ფილოქსერა ძალიან მოედო ვენახებს და აზიანებს. წინათ მარტო ჩვენი სოფლის ბოლო ვენახებში იყო, წელს კი თვითონ სოფლის ვენახებსაც მოედო და ძალიანაც გააფუჭა.

გოგირდი და შაბი საკმაოდ იშოვნება მაზარზე, მაგრამ ბევრს მევენახეს უძნებლობდა შექმნა სიძვირის გამო — ფუთი გოგირდი ღირს 950 მან. — 1200 მანეთამდე და ყვეთელი კარგი გოგირდი კი მეტიც.

შაბი კოოპერატივში 850 მანეთად ფასობს. ხშირია ძალიან შემთხვევა, რომ ფუთს გოგირდში აძლევენ 3 ფუთს პურის ხორბალს, ან 3 ჩაფს ღვინოს ახალ მოსავლისას, თორემ ძველი მოსავლისასაც, ვისაც ძალიან უჭირს გოგირდი. მუშა ფასობს თვის აპარატით და მევენახის ხარჯით 350 მან., მევენახის აპარატით 200 მან., აპარატის ქირა 100 მ. — 150 მანეთამდე.

ძვირია ძალიან აპარატის ნაწილები: ძირითა რეზინი აპარატისა ფასოფს არანაკლებ 350 მანეთისა; ეხლა წამლობა რომ მისუსტდა იყიდება 350 მან; თორემ წინათ 450 მანეთზედ შეტად ღირდა.

დედაკაცი — ამხვევი ფასობს 80 — მან. 100 მან. თავის ხარჯით.



საბაღნე ღვინო იყიდება 28,000—30,000 მანათად.

სეტყვა იყო ამ ერთი თვის წინათ და, რადგანაც ქარიარ ჰქროდა, ვენახები ბევრით არაფრათ დააზარალა.

### დღმ. აზაური კონზმანიშვილი.

**კონდოლი.** საერთო მიმოხილვა ვენახებისა სოფელ კონდოლში და მის ახლო ზახლო ასეთია: როგორც მოგვეხსენებათ კახეთში დიდძალი ადგილები დაისეტყვა და გაფუტდა, როგორც სხვა და სხვა ნათესები ისე ვენახებიც.

13 კათათვეს კარგა მგრძობიერმა სეტყვამ გაღმოიარა გულგულა ახატელი, კურდღელაური, კონდოლი და წინანდელი, ზოგი ადგილები ნამეტნავად დაშავდა. ყანები სულ მთლათ მოსპო და ვენახები, როგორც ცოტა ზევით მდებარე, გაანახევრა.

სეტყვის შემდეგ ზოგმა მეორედ უწამლა ვაზებს. ყურძნის ტოტებს ძალიან ზაგრძობელი ზარალი არ მიაყენა, რადგანაც უკვე შებურთული იყო.

ძალიან საგრძობლათ არის გავრცელებული ვაზის ავადმყოფობანი: მილდიუ და ნაცარი. წინააღმდეგ ამისა რიგინათ ნაწამლი ზოგიერთი ვენახები ძალიან კარგი სასიამოვნო სანახავია. ზოგიერთ ადგილს კახეთში წელს მცირე მოსავალი მოვა, ბევრათ ნაკლები ვიდრე წასულს 1919 წელს.

რაკი ხალხი ყანებში გავიდა სამუშაოთ, ვენახებს მუშახელი ძალიან დაკლდა. ფასები მუშისა დამჭირავებელის ხარჯით დღეში 400-500 მანეთი იყო. წარ-

სული წლის გასასყიდი ღვინოები არსად აღარ არის. მთხოვნელი კი ბევრია. ვედრო ღვინო თელავში ღირს 1000—1200 მ.

ზოგიერთა საქმელ ყურძენს უკვე თვალი შეუვიდა. ამინდები 20 კათათვის აქეთ კარგია, წვიმები საყოფოთ იყო და თავთავის დროზედ. ყურძნის ტოტები რიგზედ იწვევა, ისე რომ სამემრისოთ მოსავლის იმედი უნდა გვექანდეს ყურძნისა.

შემჩნეული მაქვს რომ ყოველ 4-5 წელში ერთი ან ორი წელიწადი ზედი ზედ მოუსავლიანია და ობულებების მხრით დიდათ დაზარალებული, როგორც: 1900—10 წ., 1914—15 წ. და ებლიც 1919—20 წელიწადები. დანარჩენი წლები მშრალგებია და ყურძნისთვის ხელსაყრელი.

კახეთში ბევრს ალაგს არსებული სეტყვის საწინააღმდეგო მორტირების სადგურები საერთოდ სდუმან, არ ვიცო, მართლა ყველგან წამლის უშოვნელობის გამო, თუ ყველას მის საარგებლიანობაში რწმენა დაეკარგა. მე კი პირადათ ისევ ძლიერად მწამს მათი ძალა და მნიშვნელობა. მართალია, ბევრჯელ თვითონ მორტირები სეტყვით აავსება ხოლმეო, მაგრამ ბევრჯერაც გადარეკავს ღრუბლებს და, თუ ათს წელიწადში ორჯელ ან სამჯერ ბუნების ძალა აღამიანის ხელოვნების ძალას აჯობებს, ეს არაფრათ უნდა ჩაითვალოს. ბუნებასთან საბრძოლველად ჩვენ შეგვიძლიან უდიდესი ძალა შევქმნათ, თუ რომ მთელი კახეთის სოფლები ერთად მოისურვებენ და ბევრს ალაგს გამართავენ მორტირების სადგურებს. ამასთანავე სასარგებლოთ მიჰაჩნია



თვით ცივზედაც დაიდგას მორტირები პირველ დაწყებითი ღრუბლების გასაქარწყლებლათ, სანამ ისინი პატარა და უმნიშვნელონი არიან.

სეტყვის წინააღმდეგ მორტირებით ბრძოლის რწმენის დაკარგვა — შემცდაზი აზრია.

### ა. ლიონიძე.

**ს. კონდოლი, ენკენისთვე.** მარამობისთვის ნახევრიდგან ძალიან წვიმებია. ისე რომ ბევრს კალოები გასალეწი რჩება და ზედ ძნებზედ ჯეჯილები ამოვიდა. წვიმებს ზედ მოსდევს ხშირად სეტყვაც. ჯერ ქვემო ხოდაშენის თავი დაისეტყვა, ეხლა ამ ენკენისთვის ნ-ში ღამით დასეტყვილა დიდი რაიონი: სანიორე, ნაფარეული, შაქრიანი, ენისელი, გრემი, შილდა და ცოტა თავზედ გადუვლია ყვარელში. უდიდესი ზარალი მიუყენებია როგორც ვაზისთვის ისე ახალ ნათეს სიმინდებისთვის, რომელიც მაისის სეტყვის შემდეგ განადკურებულ ყანებს მაგიერ დათესეს. ამ სიმინდების დიდი იმედები ჰქონდათ, მაგრამ გაუცხურვდათ. შილდიდან მოსულმა სთქვა, რომ ისეთი ღრიალი ისმის ყველა სახლიდგან, თითქოს ცხედარი ედოთო. სანიორეში ეტყობა სეტყვასთან ერთად გრიგალიც ყოფილა, რომ სულ დაუმტვრევია ძირში მთელი სიმინდები და ხეები.

ყურძნის მოსავალი ისეთი მცირეა წელს, რომ ბევრს ალაგს სეტყვაც რომ არა ყოფილიყო, მაინც ააფერი მოვიდოდა. ვენახებს გაფუჭება ისე შეუქმნევლად შეეპარა, რომ თვით პატრონებმა ძლივს გაიგეს. და გაიგეს მხოლოდ მაშინ, როცა ერთს ორს კვირაში მილდიუ, ნაცარმა და გვალვამ უღებათ, ჩუმათ მოსპო ყურძენი. რაც მილდიუს გადარჩა, ნაცარ-

მა მოუღო ბოლო. ამ წვიმებზედ გვალვის მერე ყურძენი ძალიან მობრუნდა, მაგრამ რომელიც კი ნაცრიანია, სულ ისე სკდება რომ მთლათ ისპობა. წმინდა ყურძენი კი ძალიან კარგია და საშინლათ მატულობს მარცვალი, მტევანი სულ გაიქცა.

ეს ნაცარი გავრცელდა ამ ზამთრის ბოლოს; ახალ ამოყრილ ფოთლებზედ ისე გადაეღო, დაიჩითა, როგორც თოვლი დადებული. შემდეგ აქედან გადავიდა ყურძენზედ, როცა მოწვევაში შევიდა. ჩვენში გავრცელებულია ზარი, ვითომ მოწვევის დროს ნაცარი ყურძენს ვერას ავინებს, და ერთი ორი კარგი წვიმის შემდეგ სულ გადარცხამსო. ავით მოტყუებდნენ ბევრნი, რომელნიც მუშაობას და გოგირდის დახარჯვას დაკარგულათ სთვლიდნენ.

მარამობისთვიდან ძლივს ისვენებს ჩვენი ვენახს მუშა-მეზურე კაცი. ისეთი საშური საქმე აღარა აქვს რა ვენახში, არც იმდენად ბევრი მუშა-ლა სჭირდება და მათი შეხვეწა. ეხლა ვაზებს მეორეთ თავს აჭრის, ხშირს ფოთოლს აცლის, ასინათლებს, ყურძენს მოწვევისთვის სთიბავს, ღობავს და ემზადება მოწვეული ყურძნის საყარულეზლად. ბევრს თავისი ნამუშავარის შედევის დამთავრება — რთველის იმედი ახარებს, უმეტესი ხალხი კი ძლიერ დაღონებული შეჭყურებს თავის დაცარიელებულს ვაზებს.

ღვინის ფასები ზღაპრულათ გადაიქცა: 60—70 ათას მანეთად ამბობენ საპანეს. აგრეთვე აფასებენ ახალს ტკბილსაც, იმედოვნებენ, რომ 100.000 მანეთზედ ზევით აიწვესო საპანე.

სასურველია ეხლავე წამლეულობის შეძენა და დამზადება საქმრასოთ.

### ა. ი. ლეონიძე.



კოოპერატიული სასოკადოება

# „კახეთი“

სასოკადოება „კახეთი“ არსებობს 1895 წლიდან და ამ ჟამად 246 მევენახე ითვლება წევრად. სასოკადოება „კახეთი“-ს წევრობა შეუძლიან ეველა კახელ მევენახეს და აგრეთვე ეველა მას, ვინც-კი ჩააბარებს სასოკადოებას ნამდვილ კახურ ღვინოს ეოველ წლივ.

მთავარი კონტორი სასოკადოება „კახეთი“-სა მოთავსებულია თბილისში, დამფუძნებელ კრების ქუჩა № 5, ტელეფონი № 13—23, სოლო სარდაფი გოგოლის ქუჩაზე № 63, საკუთარ შენობაში. ტელეგრაფით მისამართი: თბილისი კახეთი.

სასოკადოება „კახეთი“-ს მთავარი საწეობები კახეთში ორ ალაგას არის მოწეობილი: თელავში „კახეთი“-ს ბიურო ალექსანდრე მუყაშვილთან და კარდანახში, „კახეთი“-ს ბიურო ნიკოლოზ დარჩაშვილთან.

სტამბა ქართული ბეჭდითი ამხანაგობისა, რუსთაველის კრ., № 26.